

阿毗達磨大毗婆沙論卷第六

心六

五百大阿羅漢等造

唐三藏法師玄奘奉詔譯

雜蘊第一中世第一法納息第一之五

云何頂答於佛法僧生小量信問何故名頂

答如山頂故謂如山頂人不久住若無諸難

便過此山更至餘山若有諸難即退下如是行者至頂位必不久住若無諸難便進至忍若有諸難還退住緩有說此應名爲下頂以在最下順決擇分緩法上故有說此頂

應名爲中以在下緩上忍中故尊者妙音作如是說順決擇分總有二種一欲界繫二色界繫欲界繫中下者名緩上者名頂色界繫中下者名忍上者名世第一法此於欲界順決擇分中勝故名頂彼不應作是說此四皆

是定地修地行聖行相色界法故應作是說順決擇分總有二種一可退二不可退可退中下者名緩上者名頂不可退中下者名忍上者名世第一法此於可退順決擇分中勝故名頂問何故此信名小量耶尊者妙音作如是說欲界名小以下劣故此在欲界故名小量有說此信應名異量量謂決定信順印可故名爲量緩是第一頂是第二此異於前故名異量有說此信應名少量以頂位中不久住故如露懸枝不久停住應作是說此頂但應名小量信在可退位樂觀寶故此中於佛僧生小量信者說緣道諦信於法生小量信者說緣滅諦信問此頂善根具以十六行相緣四聖諦何故此中但說緣滅道諦非苦集耶答依勝說故謂四諦中滅道是勝出生

死故復次滅道二諦清淨無垢離過微妙是可信事是生信處是所歸依是故偏說復次滅道二諦非惟可信亦是可求難可證得極可欣故苦集不爾是故不說復次爲受化者生信樂故若佛爲彼說苦集諦便作是念我無始來爲此鄙劣煩惱惡行及所得果擾亂逼迫寧可信樂若說滅道便深信樂不欲捨離故於此中偏說滅道有說於佛僧生小量信者說緣道諦信於法生小量信者說緣三諦信以頂具緣四聖諦故問緣滅道諦可爾是可信事是生信處是所歸依應信樂故緣苦集諦云何可爾煩惱惡行及所得果猶如糞穢深可厭患不應於中生信樂故答信有一種二者信可二者信樂於滅道諦具二種信於苦集諦雖無信樂而有信可故緣苦集

亦生於信如人掘地求水寶等具二種信一者信可謂信地中有水寶等故二者信樂謂信水等是可欣樂故脇尊者言爲厭患苦集故稱讚滅道謂此滅道寂靜美妙止息對治下劣鄙穢苦集法故如人風雨所逼惱故稱讚舍宅故於四諦皆可生信然於道諦亦非一切具二種信謂隨信行者於隨法行道具二種信謂信可彼信樂彼故隨法行者於隨信行道惟有一信謂雖信可彼而不信樂彼故信勝解者於見至道具二種信見至者於心六三信勝解道惟有一信時解脫者於不時解脫道具二種信不時解脫者於時解脫道惟有一信佛於佛道具二種信於二乘道惟有一信獨覺於二道具二種信於聲聞道惟有一信聲聞於三道皆具二信此中尊者欲令前

義得成立故復引契經如世尊爲波羅衍擎
摩納婆說

若於佛法僧 生起微小信 儒童應知彼
名已得頂法

問此頂善根十六行相觀四聖諦何故世尊
爲摩納婆說信三寶答彼於三寶愚惑不信
然三寶希有難可值遇欲令信解故爲說之
有說彼摩納婆爲苦所逼欲求出要來詣佛
所說是頌言

爲苦所逼諸衆生 不知出要來詣佛

惟願爲說除衆患 如熱所逼入涼池

出苦之要無過三寶故佛爲說於三寶信有
說欲令所化於佛法中深生信重故佛爲說
於佛法僧生微小信若佛爲說四聖諦者所
化有情便作是念我等何用信重如是煩惱

惡行顛倒見趣及所得果苦集諦爲若佛爲
說佛法僧寶彼便踊躍深生信重有說隨修
行者樂別觀故謂修行者於煥位中樂別觀
蘊於頂位中樂別觀寶於忍位中樂別觀諦
故於頂位說信三寶如世尊告阿難陀言吾
今爲汝等說頂及頂隨謂聖弟子於五取蘊
起作有爲緣生法中思量觀察此是無常苦
空無我彼即於如是思量觀察時有忍有見
有欲樂有行解有見審慮忍如是名爲頂問
何故世尊爲波羅衍擎說信爲頂爲諸新學
苾芻說慧爲頂耶答佛善知法相及善知根
心六器應爲說者即爲說之餘無此能故不應問
復次波羅衍擎住初業地未慣習所作未得
奢摩他未入聖教未修漸次諸有所作皆藉
他緣聞他天神讚佛功德於佛生信來詣佛

所爾時世尊依頂等流說信爲頂新學苾芻
與彼相違是故爲說頂之自性復次佛隨所
關而爲說故謂波羅衍拏有慧關信故爲彼
說信爲頂新學苾芻有信關慧故爲彼說慧
爲頂復次爲止詣曲及愚癡故謂波羅衍拏
是婆羅門種雖有智慧而闕淨信無信之慧
增長詔曲爲止彼詔曲故說信爲頂新學苾
芻是釋迦種雖有淨信而闕智慧無慧之信
增長愚癡爲止彼愚癡故說慧爲頂復次世
尊所化有利根者有鈍根者爲利根者說信
爲頂爲鈍根者說慧爲頂如利根鈍根因力
緣力內分力外分力內如理作意力外從他
聞法力無癡增相續力無貪增相續力應知
亦爾云何頂墮乃至廣說問何故此中但說
頂墮不說煖耶答應說而不說者當知此義

有餘復次說勝有墮已顯劣故謂頂善根是
勝尚退況煖善根劣而無退有說不應詰問
尊者不說煖退因緣所以者何契經說故謂
契經中但說頂墮不說煖墮尊者依經而造
此論故不應責有說從頂退時生大憂惱退
煖不爾故不說之謂如有人見寶伏藏滿中
珍寶見已歡喜作是思惟我今永絕貧窮根
本適欲取時忽然還滅彼人爾時生大憂惱
如是行者住頂位中自念不久入於忍位永
捨惡趣生大歡喜後退此頂還住煖時生大
憂惱失勝利故設從煖位進得頂時彼猶未
能永捨惡趣故從彼退不大憂惱有說住頂
位時多諸留難住煖不爾是故偏說故如是
說於三時中諸業煩惱極與行者而作留難
一從頂入忍時能感惡趣諸業煩惱極爲留

難義言行者若入忍位定不復受諸惡趣生我於誰身受異熟果二聖者離欲染時能感欲界諸業煩惱極爲留難義言行者若離欲染於欲界生定不復受我於誰身受異熟果三得阿羅漢果時能感後有諸業煩惱極爲留難義言行者若得阿羅漢果定不復受一切生死我於誰身受異熟果有說頂不久住是進退際故緩位不爾故不說緩墮有說住頂位時將獲大利猶如聖者得不墮法得忍異生亦復如是如室路擎二十俱胝九十一劫不墮惡趣從頂退時失此大利故說頂墮退緩不爾故不說之云何頂墮答如有一類親近善士聽聞正法如理作意信佛菩提法是善說增修妙行色無常受想行識無常者顯施設苦諦善施設集滅道諦者顯

引訶毀流轉讚歎還滅順瑜伽法如理作意者謂自內正解信佛菩提法是善說增修妙行者顯信三寶色無常受想行識無常者顯信五蘊善施設苦諦善施設集滅道諦者顯信四諦此中信佛菩提乃至信善施設道諦皆共顯示法隨法行此及前三即是顯示四頂流支是名得頂問佛爲何等所化有情於頂位中顯示三寶復爲何等顯示五蘊又爲何等顯示四諦答爲愚寶者顯示三寶爲愚蘊者顯示五蘊爲愚諦者顯示四諦復次爲

初業者顯示三寶爲已慣習者顯示五蘊爲已超作意者顯示四諦復次爲鈍根者顯示

三寶爲中根者顯示五蘊爲利根者顯示四諦復次爲疑行者顯示三寶爲我慢行者顯示五蘊爲諸邪見損覺慧者顯示四諦有作

是說爲樂廣者顯示三寶爲樂略者顯示四諦爲樂廣略者顯示五蘊是名三種所爲差

別已說得頂云何捨頂彼於異時者謂彼散亂時不親近善士者謂親近惡友不聽聞正法者謂作意聽聞非理所引讚歎流轉訶毀

還滅違瑜伽法不如理作意者謂自內邪解於已得世俗信退沒破壞移轉失者謂於已得即頂位中頂等流世俗信退沒破壞移轉失此中尊者欲令頂墮義得成立故復引契經爲證如佛即爲波羅衍拏摩納婆說

若人於如是三法而退失我說彼等類應知名頂墮

問何等名爲頂墮自性答頂墮自性是不成就無覆無記心不相應行蘊所攝有說信時名得頂不信時名頂墮如是則說不信爲頂墮自性有說諸煩惱纏能令頂墮如是則說諸染汙法爲頂墮自性有說若法隨順退彼法名頂墮如是則說一切法爲頂墮自性以退頂時一切法皆是退頂增上緣故譬喻者言此但假說無實自性謂相續中先成就頂

今時退失說爲頂墮如何求覓頂墮自性如人有財名爲富者若賊劫去即名貧人他問汝貧以何爲性彼答我昔多有珍財今被劫去惟名貧者當有何性又如有人先著衣服後賊奪去即便露形他問汝今露形以何爲

性彼答我先有衣今賊奪去惟露形住當有何性又如有人衣服破壞他問汝衣破壞以何爲性彼答我衣本完全已破壞惟名衣破當有何性如是行者先成就頂今時退失說名頂墮無別自性評曰初說爲善此即攝在復有所餘如是類法不相應中不相應行有多種故

云何煖乃至廣說問何故名煖答智於境轉故有勝智煖生能燒諸煩惱薪故名爲煖猶如鑽火上下相依有火煖生能燒薪等有說諸有相依故有墮有智煖生能令諸有皆悉瘞悴故名爲煖猶如夏時聚華爲積華生煖氣還自瘞悴又如夏時積聚糞壤中生煖氣還自腐爛有說諸蘊相依故有墮蘊智煖生能燒蘊林令其永滅故名爲煖如竹葦等相

摩煖生能燒彼林今爲灰燼尊者妙音作如是說依求解脫有善根生是聖道日前行前相故名爲煖如日將出明相先現復次依求解脫有善根生是聖道火前行前相故名爲煖如火將然煙爲前相云何煖答若於正法毗奈耶中有少信愛即信名愛故名信愛於正法中有信愛者說緣道諦信於毗奈耶中有信愛者說緣滅諦信問此煖善根具以十六行相緣四聖諦何故此中但說緣滅道諦非苦集耶答依勝說故謂四諦中滅道是勝出生死故餘如頂中廣說有說於正法中有一心六九信愛者說緣三諦信於毗奈耶中有信愛者說緣滅諦信以煖具緣四聖諦故問緣滅道諦可爾是可信事是生信處是所歸依應信愛故緣苦集諦云何可爾煩惱惡行及所得

果猶如糞穢深可厭患不應於中生信愛故答信有二種一者信可二者信愛於滅道諦具二種信於苦集諦雖無信愛而有信可故緣苦集亦生於信餘廣說如頂問諸於正法毗奈耶中有少信愛者彼皆得煖耶答不爾所以者何煖是色界定地修地十六行相所攝善根此中說有如是信愛非餘信愛故言不爾此中尊者引經爲證如世尊爲馬師井宿二苾芻說此二愚人離我正法及毗奈耶譬如大地去虛空遠此二愚人於我正法毗奈耶中無少分煖此經文句雖已隱沒而作論者以願智力引之爲證問此煖善根殊勝微妙住寂靜地世尊何故名少分耶答此於所餘順決擇分最微小故得少分名有說此於正法毗奈耶中觀事不共微小善根後邊

生故說名少分問諸有未得煖善根者皆如此二被訶擯耶答不爾所以者何世尊所化總有三種一於佛法有意樂二於佛法息意樂三於佛法無意樂此二苾芻於佛正法全無意樂故佛訶擯諸如是類亦被訶擯非餘未得煖善根者有說此二苾芻捨離親愛歸佛出家然於正法毗奈耶中全無信愛可以攝受故佛訶擯非餘未得煖善根者

即彼經中世尊先告馬師井宿二苾芻言吾當爲汝說四句法汝欲知不當恣汝意二苾

芻言我今何用知尊法爲問此中何者是四句法有說四聖諦是所以者何彼不見諦造惡行故有說四念住是所以者何彼由顛倒造惡行故有說四正斷是所以者何彼由懈怠造惡行故有說四神足是所以者何彼闡

勝德造惡行故有說四聖種是所以者何彼
貪利養造惡行故有說四沙門果是所以者
何彼實未得四沙門果而稱我得造惡行故
有說四無量是所以者何彼由貪瞋嫉妬增
上造惡行故有說四靜慮是所以者何彼由
欲界煩惱增上造惡行故有說四善巧是謂
界善巧處善巧緣起善巧處非處善巧所以
者何彼愚因果造惡行故有說即四種順決
擇分善根是所以者何佛說彼二人無少分
煥故有說即增一阿笈摩中四法迹是一無
貪法迹二無瞋法迹三正念法迹四正定法
迹有說即雜阿笈摩中四句法是如彼頌言
賢聖法中善言最 二常愛言遠不愛
三常實言離虛誑 四常法言遠非法
如是說者四聖諦是彼愚諦理背聖教故問

佛深知彼不堪受法如何以法而恣彼耶答
佛欲自顯無過失故勿有謂彼無教化者故
造惡行而自毀壞是以如來舉手告言諸教
化事我皆能作而汝不受自行邪行以自損
壞非我過也有說爲止釋種不信心故若不
以法而恣彼者無量釋種生不信心云何義
成於自親族心懷慳嫉不欲教化將恐被人
與已相似由佛以法而恣彼意是諸釋種不
信心息有說爲止外道誹謗業故若不以法
而恣彼者無量外道便誹謗言云何名爲得
大悲者若諸弟子隨順恭敬便爲說法若諸
弟子違逆不敬則不教化由佛以法而恣彼
意是諸外道誹謗便息有說令彼證知過在
已故佛以輒語而責彼言汝本及今恒造惡
行我常教化都不信受今復爲汝欲說法要

汝言何用知尊法爲汝之過失汝自爲證有說令彼後時種善根故佛知彼二今雖不能受我正法而命終已生龍趣中便自憶念昔大悲者恣我正法而我不受今生惡趣受諸苦惱由此便起悔俱善根以此因緣速脫惡趣有說爲護佛法令不壞故佛知彼二從此命終當生龍趣劇苦所逼作是念言我從何沒來生於此即自憶念從人中來復自念言昔作何業便自觀見昔曾出家不能正行墮在此處次作是念佛不化我故令我今生此惡處便起瞋恨欲來人中破壞堵波壞僧伽藍殺諸苾芻苾芻尼等令如來法殄滅無餘當於爾時佛神力故有如來像住立其前而告之言馬師井宿吾當爲汝說四句法汝欲知不當恣汝意時二毒龍即便自憶昔佛亦

作如是告我我時不受是我自咎非如來過由此因緣瞋纏遂息生大慚愧護持佛法由如是等種種因緣佛以正法而恣彼意問何故二人作如是說我今何用知尊法爲答彼二自知造諸惡行非正法器故說是言彼自思惟於生天論我尚非器況極微細解說論耶有說彼二自知數犯禁戒惡行煩惱損壞相續焦燄瓦等可令生芽我等聞法生解說芽無有是處故作是說我今何用知尊法爲有說彼二自知作增長惡趣定業故作此言有說彼二身中惡相現故謂彼自見於十指端有十道水將欲流出便作是念我等決定當生龍中於如是時何用更知世尊正法故作是說何用知爲有說佛記彼二已種獨覺菩提善根於當來世定成獨覺彼作是念

我等現世終不能入正性離生得果漏盡故
作是說我今何用知尊法爲由此世尊復作
是說此二愚人離我正法及毗奈耶譬如大
地去虛空遠此二愚人於我正法毗奈耶中
無少分緩若諸弟子能以財食供給其師而
共住者尚不應以麤言拒逆況彼不能以此
同住而作如是違戾語耶問有多種毗奈耶
謂時毗奈耶方毗奈耶種姓毗奈耶家毗奈
耶明毗奈耶罰羅毗奈耶犯毗奈耶聖毗奈
耶貪毗奈耶瞋毗奈耶癡毗奈耶此中意說
何毗奈耶有作是說此中說罰罪毗奈耶或
有說者此中說犯毗奈耶復有說者此中說
聖毗奈耶如是說者此中說貪瞋癡毗奈耶
問何故尊者七門分別世第一法頂惟二門
忍之與緩但說自性答是作論者意欲爾故

隨彼意欲而作此論或略或廣不應徵詰復
次如以七門分別世第一法亦應以七門分
別餘三如西方尊者以十七門總分別四種
順決擇分此亦應爾總以七門分別四種而
不爾者當知此是有餘之說復次世第一法
微細難見難可覺知以不分明不現見故七
門分別餘三不爾故略說之復次世第一法
多諸誹謗故以七門分別遮止餘三不爾故
略分別復次世第一法惟一剎那其相難了
須廣分別餘三相續故略說之如是四種順
決擇分謂緩頂忍世第一法問如是四種自
性云何答皆以五蘊爲其自性尊者妙音作
如是說順決擇分有欲界繫有色界繫欲界
繫中下者名緩上者名頂此二自性惟有四
蘊欲界中無隨轉色故色界繫中下者名忍

上者名爲世第一法此二自性皆具五蘊色界中有隨轉色故如是說者此四善根皆是色界定地修地行聖行法故四自性皆具五蘊問若此四種皆色界繫云何建立四種別耶答此四善根雖同色界而有可動有不可動有^{心六}留難有無留難有可斷有^{十四}不可斷有可慮有不可慮有可退有不可退諸可動有留難可斷可慮可退中下者名煖上者名頂諸不可動無留難無斷無慮不可退中下者名忍上者名爲世第一法故此四種雖同色界繫五蘊爲自性而有差別如說自性我物自體相分本性亦爾已說自性當說所以問此何故名順決擇分答決擇者說聖道如是四種是順彼分順彼分中此四最勝是故名爲順決擇分即此四種亦名行諦亦名修治

亦名善根行諦者謂以無常等十六行相遊歷四諦故修治者謂爲求聖道修治身器除去穢惡引起聖道故猶如農夫爲求子實修治田地除去穢草此亦如是善根者謂聖道涅槃是真實善此四與彼爲初基本爲安足處故名爲根問此四善根爲有幾品答總有三品謂下中上煖是下品頂是中品忍及世第一法是上品有說煖有二品謂下下中頂有三品謂下上中下中中忍有三品謂中頂有三品謂下上中世第一法惟一品謂上上若以^{心六}上上下上中世第一法惟一品謂上上若以^{十五}三品攝之煖惟下品頂下中品忍中上品世第一法惟是上品尊者妙音說曰煖有三品頂有六品忍有八品世第一法惟上上品若以三品攝之煖惟下品頂下中品忍通三品世第一法惟是上品尊者覺天說曰煖有三

品謂下下下中下上頂有三品謂中下中中
中上忍有二品謂上下上中世第一法惟一
品謂上上若以三品攝之如初說尊者世友
說曰煖有三品謂下下下中下上頂有二品
謂中下中中忍有三品謂中上上下上中世
謂中下中中忍有三品謂中上上下上中世
第一法惟一品謂上上若以三品攝之煖惟
下品頂惟中品忍中上品世第一法惟是上
品問此四善根有何差別答所說品異即是
差別復次名亦差別謂此名煖乃至此名世
第一法復次念住爲等無間名煖煖爲等無
間名頂頂爲等無間名忍忍爲等無間名世
第一法如等無間無間趣入加行亦爾復次
樂別觀蘊名煖樂別觀寶名頂樂別觀諦名
忍由此發生世第一法復次煖止緣諦下愚
頂止緣諦中愚忍止緣諦上愚由此發生世

第一法復次煖止緣諦麤愚頂止緣諦中愚
忍止緣諦細愚由此發生世第一法復次煖
生緣諦下明頂生緣諦中明忍生緣諦上明
由此發生世第一法復次煖生緣諦麤明頂
生緣諦中明忍生緣諦細明由比發生世第
一法如生明生信亦爾是謂差別順決擇分
善根中煖亦得亦捨得者由加行故捨者或
由退故或由越界地故或由捨衆同分故捨
此煖已亦作無間業亦斷善根亦墮惡趣有
何勝利能與涅槃作決定因謂得煖者如吞
鈎魚已得決定涅槃法故頂亦得亦捨得者
心六
由加行故捨者或由退故或由越界地故或
由捨衆同分故捨此頂已亦作無間業亦墮
惡趣復有何勝利謂能畢竟不斷善根問若
爾天授應未得頂彼起邪見斷善根故伽陀

所說當云何通如說

愚夫衆所識 是名爲失利 自法皆滅壞
應知從頂墮

此頌世尊爲天授說是則天授從頂退已而
斷善根云何乃言捨此頂已必不斷善答依
未得退說頂墮言提婆達多已修得煖不久
得頂著名利故還退失煖復斷善根於頂應
得而不得故說名頂墮非已得退有作是說
世尊如頂於佛作惡而墮惡趣故名頂墮有
餘師說佛法如頂彼壞佛法便自退落故名
頂墮忍亦得亦捨得者由加行故捨者或由
越界地故或由捨衆同分故不由退故復有
何勝利謂畢竟不退不作無間業不墮惡趣
世第一法亦得亦捨得者由加行故捨者由
越界地故不由退故亦不由捨衆同分故復

有何勝利能爲等無間入正性離生有餘師
說煖亦得亦捨如前說捨比煖已亦作無間
業亦墮惡趣有何勝利能與涅槃作決定因
及能畢竟不斷善根若爾天授應未得煖彼
起邪見斷善根故頂亦得亦捨如前說捨此
頂已亦墮惡趣復有何勝利不作無間業忍
亦得亦捨如前說復有何勝利畢竟不退不
墮惡趣不執著我問若爾駄波離室利鞠多
指鬘諦語等應未得忍彼執有我抗拒佛教
答彼欲論議假立有我實不執著世第一法
得捨等事皆如前說